

晋张景阳集

晉張景陽集目錄

賦

洛禊賦

都蔗賦

安石榴賦

玄武館賦

登北邙賦

銘

泰阿劍銘

文身刀銘

把刀銘

長鋏銘

短鋏銘

霜陌刀銘

手戟銘

七

七命

詩

詠史

襍詩

其二

其三

其四

其五

其六

其七

其八

其九

其十

雜詩

遊仙

附錄

本傳

張景陽集目錄終

晉張景陽集卷全

晉 安平張協 著

明 太倉張溥 閱

賦

洛禊賦

夫何三春之令月嘉天氣之氤氲和風穆以布
暢百卉曄而敷芬川流清泠以汪濊原隰蔥翠
以龍鱗遊魚灑灑於淥波玄鳥鼓翼於高雲美
節慶之動物悅羣生之樂欣故新服之旣成將

楔除於水濱於是搢紳先生嘯儔命友携朋接
黨冠童八九主希孔孟賓慕顏柳臨涯詠唵濯
足揮手乃至都人士女奕奕祁祁車駕岬岵克
溢中達粉葩翕習緣阿被湄振襲生風接衽成
幃若夫權威之家豪侈之族采騎齊鑣華輪方
轂青蓋雲浮參差相屬集乎長洲之浦曜乎洛
川之曲遂乃停輿蕙渚稅駕蘭田朱幔虹舒翠
幕蜺連羅樽列爵周以長筵於是布椒醕薦柔
嘉祈休吉蠲百病漱清源以滌穢兮攬綠藻之

織柯浮素粧

一作卯

以蔽水灑玄醪於中河

都蔗賦

若乃九秋良期

一作朝

玄酎初出黃華浮觴酣飲

累日挫斯蔗而療渴共漱醴而含密清滋津於
紫梨流液豐於朱橘擇蘇玳而不逮何況沙棠
與椰實

安石榴賦

攷草木於方志覽華寔於園疇窮陸產於苞貢
嗟英奇於石榴耀靈葩於三春綴霜滋於九秋

爾乃飛龍啓節揚颺扇埃含和澤以滋生鬱敷
萌以挺栽傾柯遠擢沉根下盤繁莖籐密豐幹
林攢揮長枝以揚綠披翠葉以吐丹流暉俯散
迴葩仰照爛若百枝並燃赫如烽燧俱燎皦如
朝日晃若籠燭晞絳綵於扶桑接朱光於若木
爾乃頽萼挺蒂金牙承蕤蔭佳人之玄髻發窈
窕之素姿游女一顧傾城無鹽化爲南威於是
天漢西流辰角南傾芳寔壘落月滿虧虛爰採
爰收乃剖乃坼內憐幽以含紫外滴瀝以霞赤

柔膚冰潔凝光玉瑩濯如水碎泫若珠迸含清
泠之溫潤信和神以理性

玄武館賦

爾乃地勢夷敞旣膏且腴環以翠林帶以赤渠
尋厥先之攸基實張氏之舊墟何魏后之周覽
遂築館而起廬旣號玄武是曰石樓於是崇墉
四匝豐厦詭譎爛若丹霞皎如素雪璀璨皓旡
華璫四垂接棟連阿岬岬參差朱戶青鋪幽闥
秘閨於是高樓特起竦峙峩峩飛甍四注上繫

浮霄直亭亭以孤立迎千里之清飈陽屏南啓
陰軒北達春牖左開秋窓右豁仰眎雲根俯臨
天末木則楸梓夾路蓊蔚如林洪幹十圍修之
百尋

闕

登北邙賦

陟巒邱之囓崦升逶迤之修坂廻余車於峻嶺
聊送目於四遠靈嶽鬱以造天連崗

一作岡

巖以

蹇產伊洛混而東流帝居赫以崇顯山川汨其
常兮萬物化而代轉何天地之難窮悼人生之

危淺歎白日之西頽，方哀世路之多蹇。於是徘徊

徊絕嶺，踟躕步趾，前瞻狼山，却闕大壑，東眺虎

牢，西睨熊耳，邪亘天際，旁極萬里，莽眩眼以芒

昧，諒羣形之難紀，臨千仞而俯看，似游身於雲

霓，撫長風以延伫，想凌天而舉翮，瞻冠蓋之作一

以悠悠，覩商旅之接軀，爾乃地勢窅隆，邱墟陂

陀，墳隴，嶺壘，綦布星羅，松林慘映，以攢列立木

搜寥而振柯，壯漢氏之所營，望五陵之嵬峩，喪

亂起而啓壤

一作敗壤

僮，豎登而作歌

銘

泰阿劍銘

泰阿之劍世載

一作濟

其美淬以清波礪

一作歛

以

越砥如玉斯曜若影在水不運自肅率士從軌

文身刀銘

寶刀旣成窮理盡妙繁文波廻流光電照

把刀銘

奕奕名金昆吾遺璞裁爲把刀利亞切玉時文
斯偃含精內燭威助雖化武不可黷

長鋏銘

五才竝建金作明威長鋏陸離弭凶防違素刃
霜厲溢景橫飛

短鋏銘

器用多品詭制殊觀亦有短鋏清暉載爛昔在
先朝戢兵靜亂惟皇寶之優而弗玩

露陌刀銘

露陌在服威靈遠振遵養時晦曜德崇信

手戟銘

鏌鏌雄戟淬金鍊剛名配越戟用過千將嚴鋒

勁秘摘鐔耀芒

秘御覽
作校



經緯附錄
卷全
金
...